

## ԱՆԿԱՆ ԱՌԻԴԻՏՈՐԱԿԱՆ ԵԶՐԱԿԱՑՈՒԹՅՈՒՆ

*Ներկայացվում է «Հայաստանի փոքր և միջին ձեռնարկատիրության զարգացման ազգային կենտրոն» հիմնադրամի հոգաբարձուների խորհրդին*

Մենք աուդիտի ենք ենթարկել «Հայաստանի փոքր և միջին ձեռնարկատիրության զարգացման ազգային կենտրոն» հիմնադրամի կից ներկայացված համախմբված ֆինանսական հաշվետվությունները, որոնք ներառում են ֆինանսական վիճակի մասին համախմբված հաշվետվությունը՝ առ 31-ը դեկտեմբերի 2013թ., այդ ամսաթվին ավարտված տարվա համար շահույթի կամ վնասի և այլ համապարփակ ֆինանսական արդյունքների մասին, սեփական կապիտալում փոփոխությունների մասին և դրամական միջոցների հոսքերի մասին համախմբված հաշվետվությունները, ինչպես նաև հաշվապահական հաշվառման քաղաքականության նշանակալի մասերի համառոտ նկարագիրը և այլ բացատրական ծանոթագրությունները:

*Ղեկավարության պատասխանատվությունը համախմբված ֆինանսական հաշվետվությունների համար*  
Հիմնադրամի ղեկավարությունը պատասխանատու է սույն համախմբված ֆինանսական հաշվետվությունների կազմման և ճշմարիտ ներկայացման համար՝ համաձայն ՖՀՄՍ-ների: Ղեկավարությունը պատասխանատու է նաև այնպիսի ներքին վերահսկողության համակարգի համար, որը նրա կարծիքով թույլ կտա կազմել սխալների կամ խարդախության արդյունքում առաջացող էական խեղաթյուրումներից գերծ ֆինանսական հաշվետվություններ:

*Աուդիտորների պատասխանատվությունը*

Մեր պատասխանատվությունն է անցկացված աուդիտի արդյունքում արտահայտել կարծիք սույն համախմբված ֆինանսական հաշվետվությունների վերաբերյալ:

Մենք աուդիտն իրականացրինք աուդիտի միջազգային ստանդարտներով: Այդ ստանդարտներով պահանջվում է, որ մենք հետևենք էթիկայի պահանջներին և աուդիտը պլանավորենք ու իրականացնենք՝ համախմբված ֆինանսական հաշվետվությունները էական խեղաթյուրումներից գերծ լինելու մասին ողջամիտ երաշխիք ձեռք բերելու նպատակով:

Աուդիտորական աշխատանքները ներառում են այնպիսի ընթացակարգերի իրականացում, որոնք թույլ են տալիս ձեռք բերել աուդիտորական ապացույցներ համախմբված ֆինանսական հաշվետվություններում ներկայացված գումարների և բացահայտումների վերաբերյալ: Ընտրված ընթացակարգերը կախված են աուդիտորի դատողությունից և ներառում են նաև այնպիսի էական խեղաթյուրումների ռիսկի գնահատումը, որոնք կարող են պայմանավորված լինել թե խարդախությամբ և թե սխալներով: Այս ռիսկը գնահատելիս աուդիտորը դիտարկում է համախմբված ֆինանսական հաշվետվությունների պատրաստման և վերջիններիս ճշմարիտ կերպով ներկայացման համար կիրառվող ներքին վերահսկողության համակարգը, նպատակ ունենալով մշակել այդ հանգամանքներին համապատասխանող աուդիտորական ընթացակարգեր՝ բայց ոչ կարծիք արտահայտել Հիմնադրամի ներքին վերահսկողության համակարգի արդյունավետության վերաբերյալ: Աուդիտորական աշխատանքները ներառում են նաև համախմբված ֆինանսական հաշվետվությունների կազմման ժամանակ կիրառված հաշվապահական հաշվառման քաղաքականության համապատասխանության, ղեկավարության կողմից կատարված հաշվապահական

գնահատումների խելամուտության, ինչպես նաև համախմբված ֆինանսական հաշվետվությունների ընդհանուր ներկայացման գնահատումը:

Մենք գտնում ենք, որ ձեռք բերված աուդիտորական ապացույցները բավարար և համապատասխան հիմք են հանդիսանում մեր ձևավորված կարծիքն արտահայտելու համար:

### ***Ձևավորված կարծիքի հիմքեր***

1. Հիմնադրամը ներդրումներ ունի երեք ասոցիացված կազմակերպություններում, որոնք համախմբված ֆինանսական հաշվետվություններում հաշվառվել են (արտացոլվել են) բաժնեմասնակցության մեթոդով.

- Հիմնադրամը ներդրումների կատարման տարվա վերջի դրությամբ ներդրումների հաշվեկշռային արժեքները ճշգրտել է ասոցիացված կազմակերպությունների՝ ներդրման տարվա ֆինանսական արդյունքներում՝ Հիմնադրամի բաժնեմասերի չափով, այնինչ ճշգրտումները պետք է կատարվեին միայն հետձեռքբերումային ֆինանսական արդյունքների մասով,
- ներդրումների ձեռք բերման ժամանակ ձեռքբերման արժեքների և ասոցիացված կազմակերպությունների որոշելի գուտ ակտիվների իրական արժեքներում Հիմնադրամի բաժնեմասերի միջև տարբերությունները չի հաշվառվել ՀՀՄՍ 28-ի համաձայն, ինչը ազդեցություն է թողնում ներդրումների հաշվեկշռային արժեքների վրա՝ հաշվի առնելով մաշվող ակտիվների իրական արժեքների վրա հիմնված մաշվածության ճշգրտումները,
- ՀՀՄՍ 28-ի, ՀՀՄՍ 36-ի և ՀՀՄՍ 39-ի համաձայն՝ Հիմնադրամը պետք է իրականացներ ընթացակարգեր բաժնեմասնակցության մեթոդով հաշվառվող ներդրումների արժեզրկման հայտանիշների բացահայտման և արժեզրկումից կորուստի գնահատման նպատակով, որը չի իրականացվել:

Մենք անկարող էինք որոշել, թե ինչ ճշգրտումներ էին անհրաժեշտ ասոցիացված կազմակերպությունների հետձեռքբերումային ֆինանսական արդյունքների, ձեռք բերման ժամանակ ասոցիացված կազմակերպությունների որոշելի գուտ ակտիվների իրական արժեքների, գուդվիլի, ակտիվների իրական արժեքի վրա հիմնված մաշվածության, ինչպես նաև արժեզրկումից կորուստի գնահատման և համախմբված ֆինանսական հաշվետվությունների վրա դրանց ազդեցության հետևանքը:

2. Հիմնադրամն առևտրային կազմակերպություններին տրամադրած վարկային երաշխավորությունների գծով՝ վերջիններիս չկատարած վարկային պարտավորությունների դիմաց վարկատուին վճարել է 493,930 հազար դրամ: Կոդների միջև կնքված պայմանագրերի համաձայն, վարկերն ապահովված են գրավներով և վարկառուների կողմից վարկային պարտավորությունների չկատարման և, որպես հետևանք, Հիմնադրամի կողմից դրանք կատարելու դեպքում, վարկատուի բոլոր իրավունքներն ամբողջ ծավալով փոխանցվում են Հիմնադրամին: Այդ հիմքով Հիմնադրամը նշված գումարը 31.12.2013թ. դրությամբ ներկայացրել է որպես դեբիտորական պարտք, սակայն չի ճանաչել դրանց գծով արժեզրկումից (անհավաքագրելիությունից) կորուստ, թեև առկա է անկողմնակալ վկայություն, որ դեբիտորական պարտքերը կարող են արժեզրկված (անհավաքագրելի) լինել (ՀՀՄՍ 39): Քանի որ դեբիտորական պարտքերի անհավաքագրելիությունը մասնակցում է ֆինանսական վիճակի և ֆինանսական արդյունքների որոշմանը, մենք չենք կարողացել որոշել 2013թ. համար ֆինանսական արդյունքների, և 31.12.2013թ. դրությամբ՝ դեբիտորական պարտքերի և չբաշխված շահույթի մնացորդի ճշգրտումների անհրաժեշտությունը:

*Ձևափոխված կարծիք*

Մեր կարծիքով, բացառությամբ Ձևափոխված կարծիքի հիմքեր պարագրաֆում նկարագրված հարցերի հնարավոր ազդեցության, համախմբված ֆինանսական հաշվետվությունները «Հայաստանի փոքր և միջին ձեռնարկատիրության զարգացման ազգային կենտրոն» հիմնադրամի ֆինանսական վիճակի՝ առ 31.12.2013թ., ինչպես նաև այդ ամսաթվի դրությամբ ավարտված տարվա համախմբված ֆինանսական արդյունքների և դրամական հոսքերի մասին տալիս են ճշմարիտ և իրական պատկեր՝ համաձայն ՖՀՄՄ-ների:



Թաթուլ Մովսիսյան

Գլխավոր տնօրեն



Ղուկաս Աթոյան

Առաջադրանքի ղեկավար

25 հունիսի, 2014թ.,

ք.Երևան, Ամիրյան 4/6